

Na osnovu člana 90. Zakona o javnim nabavama BiH („Službeni glasnik BiH“, br. 39/14, 90/14, 96/14, 97/14, 103/14 i 104/14) i člana 7. stav (1) tačka b) Pravilnika o postupku direktnog sporazuma BiH („Službeni glasnik BiH“, br. 90/14),

1. **"TERMOTELING COMPANY" D.O.O. SARAJEVO**, 6. mart 46, 71240 Hadžići, identifikacioni broj: 4201433390008, zastupan po direktoru Elviru Hujiću s jedne strane (u daljnjem tekstu: dobavljač) i
2. **JU OSNOVNA ŠKOLA „HADŽIĆI“ HADŽIĆI** Hadželi bb, 71240 Hadžići, identifikacioni broj: 4202256020005 zastupana po direktorici Đenani Alispahić s druge strane (u daljnjem tekstu: ugovorni organ),

zaključili su dana 29.11.2017. godine

U G O V O R

O NABAVCI KOTLA NA PELET SNAGE 50 KW SA EKO-OZNAKOM, ZAJEDNO SA POPRATNIM MATERIJALOM

Član 1.

Predmet ovog Ugovora je nabavka i isporuka **kotla na pelet snage 50 kW sa EKO-oznakom – 1 komad zajedno sa njegovim popratnim materijalom**: ciklaciona pumpa HST 32 – 1 komad, ekspanziona posuda 50 l - 1 komad, nosač ekspanzione pumpe - 1 komad, termostat bežični choterm -1 komad, sigurnosni ventil 3/4 - 1 komad, kugla ventil 5/4 – 3 komada, kugla ventil 1 – 4 komada, termomanometar fi 1/2 - 1 komad, pocinčani holender 5/4 – 2 komada, gumeni dihtung za holender – 2 komada, odzračni lončić 1/2 - 1 komad, dimovodna cijev fi 120 x 1000 – 3 komada, dimovodna cijev fi 120 x 500 – 2 komada, dimovodna rozetna fi 120 - 1 komad, dimovodno koljeno fi 120 – 3 komada, cijev Cu u šipci fi 35 – 10 m2, cijev Cu u šipci fi 28 – 2,5 m2 i cijev Cu u šipci fi 22 – 2,5 m2 (u daljem tekstu: kotao i popratni materijal) na osnovu prihvaćene ponude Termoteling Company d.o.o Sarajevo broj: 836 od 28.11.2017. godine koja je sastavni dio ovog Ugovora i Odluke o direktnom sporazumu broj:1107/2017 od 29.11.2017. godine.

Član 2.

Vrijednost ove nabavke iznosi **4.205,30 KM** (slovima: četiri hiljadedvjestotinepet i 30/100 konvertibilnih maraka) bez PDV-a.

Dobavljač se obavezuje da će kotao i popratni materijal isporučiti ugovornom organu u roku od 10 (deset) dana od dana potpisivanja ovog ugovora.

Ugovorni organ je dužan isplatiti cijenu u iznosu navedenom u stavu (1) ovog člana u roku od 15 (petnaest) dana od dana prijema ispravno ispostavljenje fakture.

Dobavljač je dužan isporučiti kotao i popratni materijal u ispravnom stanju na adresu: JU Osnovna škola „Hadžići“, Hadželi bb, 71240 Hadžići i garantovati za njihovu funkcionalnost 2 (dvije) godine od dana isporuke.

Troškove isporuke kao i one troškove koji prethode isporuci snosi dobavljač.

Član 3.

Do isporuke kotla i popratnog materijala rizik slučajne propasti ili oštećenja istih snosi dobavljač.

Isporukom kotla i popratnog materijala rizik prelazi na ugovorni organ.

Rizik ne prelazi na ugovorni organ ako je on zbog nedostatka isporučenog kotla i popratnog materijala raskinuo ugovor ili tražio njihovu zamjenu.

Ako isporuka kotla i popratnog materijala nije izvršena zbog zakašnjenja dobavljača, rizik prelazi na dobavljača u trenutku kada je pao u zakašnjenje.

Član 4.

Sporazumom ugovornih strana utvrđuje se da će dobavljač putem vršioca kontrole izvršiti stručnu i nepristrasnu kontrolu kotla i popratnog materijala.

Kontrola kotla i popratnog materijala će se sastojati u utvrđivanju njihovog identiteta, kvalitete i drugih svojstava.

Član 5.

Dobavljač odgovara za materijalne nedostatke kotla i popratnog materijala u periodu od 2 godine od dana njihove isporuke.

Materijalni nedostaci na kotlu i popratnom materijalu postoje:

- ako kotao i popratni materijal nemaju potrebna svojstva za njihovu redovnu upotrebu,
- ako kotao i popratni materijal nemaju svojstva i odlike koje su izričito ili prešutno ugovorene, odnosno propisane,
- ako je dobavljač isporučio kotao i popratni materijal koji nisu odgovarajući uzorku ili modelu, osim ako je uzorak ili model pokazan samo radi obavještenja.

Član 6.

Ugovorne strane su saglasne i prihvaćaju da za sve ono što nije u ovom ugovoru predviđeno, važe propisi iz Zakona o obligacionim odnosima.

Član 7.

Ugovorne strane se obvezuju eventualne sporove riješiti mirnim putem, ukoliko to nije moguće ugovaraju nadležnost suda u Sarajevu.

Član 8.

Ovaj ugovor je sačinjen u 2 (dva) istovjetna primjerka od kojih svaka strana zadržava po 1 (jedan) primjerak.

Član 9.

Ugovorne strane primaju prava i obveze iz ovog Ugovora, te ga u znak toga potpisuju.

DOBAVLJAČ

UGOVORNI ORGAN

/Elvir Hujčić /

/Denana Alispahić, prof./

Broj: _____

Broj: 1107-1/2017

Datum: _____

Datum: 29.11.2017. godine